



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

gratiar[um] actio post sacra[m] communione[m]. 62. & 63

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

LIBER III.

te verum Deum ac verum hominem hic presentem adesse. **O** Deus æterne, scio et bene scio, quod te penitus indignus sum, sed te nequaquam carere possum: quippe qui te vehementer indigeo. Cum ergo pater sis misericordiarum, obsecro te ut vires animæ meæ in precioso sanguine tuo mūdare, virtutibus tuis exornare tecumque unire, & per diuinam potentiam tuam, sic meā confortare infirmitatem digneris, ut diuinam maiestatem tuam nullo vnquam mortali peccato offendam, & quotidianas culpas pro viribus euitem. Conforta quoque memoriam meam, ut te iugiter in corde & cognitione mea circumferam, sanctissimaque vestigia tua cum omni humilitate & mansuetudine sequi contendam. Et per diuinam sapientiam tuam illumina intellectū meum, tantumque luminis & cognitionis tam de diuina excellentia tua, quam de propria vilitate ac defectuositate mea mihi infunde, sicut hoc tibi & honorificentissimum & acceptissimum esse nosti. Atque per abyssalem dulcissimam benignitatem tuam, da mihi cordialē ac ardentissimam charitatē, per quam voluntatē meam tuæ semp placitissimæ volūtati vniam, te ex omnibus animæ meæ viribus diligam, tuamque laudem & honorem in omnibus pure quæram. O domine Deus meus, ecce meipsum nunc vnio tecū. Da igitur ut omnes interiores venæ animæ meæ tuo amore perfluantur, quatenus te Deum meū perfecte, sapienter, dulciter & perseveranter diligere possim.

Gratiarum actio & sponsi susceptio.

Cap.

LXII.

II v

Opta-

MARGARITAE EVANG.

O Prato aduenisti, o omnipotens altissima potentia patris. Oprato aduenisti, o æterna sapientia uerbi. Oprato aduenisti, o superdulcissima, influens & effluens charitas spūs sancti. Oprato aduenisti, o summū & excellentissimum bonū, o incōprehensibilis deitas, o supersanctissima Trinitas, o simplex vnitas, o æterna suauitas. Oprato uenisti, o dulcissime dñe Iesu Christe, fili Dei & uirginis Mariæ. Oprato aduenisti o iuuenis pulcherrime, & amabilis sponse aiæ meæ. Oprato aduenisti, o nobilissimū, benedictum atq; sanctissimū sacramentū. Oprato aduenisti, o pijsimū, effluentissimum, seruentissimum ac amorosissimū cor dñi mei Iesu Christi, ex quo mihi preciosissimus cibus iste profluxit. En centies millies laudo & benedico te & gratias ago tibi, o omnipotens deitas patris, tanta laude, quanta dignus es, q̄ ad tam uilissimū uermiculum uenire dignata es, ad confortandum eum in infirmitate sua. Laudo & benedico te, & gratias ago tibi centies millies, o æterna filij sapientia, tanta laude, quanta dignus es, quod ad tam immundam cæcāq; animā uenire dignata es, ad mundandum & illuminandum eā. Laudo & benedico te & gratias ago tibi cēties millies, o excellentissima bonitas spūs sancti, tanta laude, quanta dignus es, quod ad tam pauperem & torpentē animam uenire dignata es, ad calefaciendum & inflammandā eam in amore tuo.

Et nunc rogo te domine Deus meus, q̄ in hoc dignissimo sacramento cū multis angelorū millibus & ineffabili dilectione præsens ades, dignare cor meū transfigere iaculo amoris tui, animā que meā tam fortiter & indissolubiliter constringat

LIBER III.

gere vinculo charitatis tuæ, vt nunq̄ a te separari valeam in æternum, deſq̄ eidem animæ meæ benedictionem diuinæ gratiæ tuæ.

Alia gratiarum actio poſt communionem. Cap. LXIII.

GAudens gaudebo in dño de mirabilibus operibus ac ſtupenda dignatione Dei patris. Ecce enim verbum cordis eius factũ eſt nutrimentum meum, & gloria cœli facta eſt cibus meus. O qd̄ vltra deſiderare poterõ? Quid me poſthac contriſtare, quidve mihi nocere poterit? Iam enim induit me dominus veſtimento ſalutis, & tanq̄ ſponſam corona gloriæ & charitatis virtute, in quibus perenne gaudiũ later, me exornare dignatus eſt. O vnica ſpes atq̄ ſolatiũ meum, in te ſit æterna requies mea, quia tu es perfectum gaudiũ meum. Te ſuper omnia deligat cor meũ, quia tu es deſiderabiliſſimus theſaurus animæ meæ, nec eſt quiſq̄ ſimilis tui. Ideoq̄ te omni momento ſuſcipere deſidero in cor meum, o amantiſſime ſponſe animæ meæ, o ſuauiſſimum nutrimentum meum. Et nunc o domine Deus meus, poſſidere dignare cubiculum mentis meæ: quia cor meum apertum eſt tibi. Te deſiderat interiores vires meæ: teq̄ circumplector in corde meo, excludens inde creaturas vniuerſas, quatenus omnia in me pereant te vno excepto, o omnium charorum chariſſime & ſuauiſſime hospes animæ meæ.

Exercitium deuotiſſimum poſt ſacrã communionem. Cap. LXIII.

Salue, ſalue o dulciſſime domine Deus meus, o glorioſe ſpiritus, anima, corpus &

ſan-